



Historia 809 D.



586738 - 586758

Mag. St. Dt.


1. Tragico-comodia de Hierosolymitana projectione illust. Ducis
Pomerani ... a Johanne de Kilscher. Stettin. 1594. 40 Priten.
2. (für Geyssit von Joas. Jos. Rango aus Caff. feip. Wolffrathia)
de Ranganianae gentis .. splendore. von Jo. Guil. Pfenningk.
Lübeck 1698. 44 Priten
3. Joach. Fabricius, Kniefingesticht auf Joh. Michaelis. Natten 1657/8
22 P.
4. Günstig Abtänkung Ludovici Jacobi " " " 8 P.
u. Margismit von Mier. Kippen (Jahr 1616)
5. Henr. Schaevers, monumentum literarium " 8 P.
6. Monumentum ... Michaelis ... ab amicis ...
Pyricensibus positum. 8 P.
7. Ultimum officium ... manibus ... Michaelis ... sa-
tum ab amicis 8 P.
8. Cupressus ... manibus ... Michaelis .. erecta a
Frederico Reimero 4 P.
Pomus Michaeliana cum cognato lugens 8 P.
9. Laureia lugubris honori supremo Michaelis ... victa et
plexa a suis discipulis 20 P.
10. Bustum Michaelis ... lachrymis fantorem, affinium et
amicorum madidum. 16 P.
11. Francisci Wokenii Laytrag zur Sonnenoffnen Gistoria
..... Leipzig 1732. 266 P.
- (11a) Lud. Aug. Wüffelii ... dissertatio .. de vena Pomerarorum
poetica. Grifflus. 1738. 8 P.
12. Willh. Engelken, (Sonnenfugl. Gestalt bei Sonnenoffnung der Marien-
Kirch in Burgard. 1661. Natten 1661. 82 P.

- ✓ 13. Friderich Wagner, Lachrymae Stargardiae Dank...
 Kräftig... zum fünfzigjährigen Jubiläum der...
 Festschrift... Stargard 1635. Stargard 1735. 38 P.
14. Stargard oder der Herr Stargard Glück = ist Unglück = Faller
 in einem Pyra. Spiel vorgefallet v. M. Christophoro Practorio
 Alten - Hettin 100 P.
15. Christoff Gimmelf Rürden, Merkwürdige Gimmelf = Juffall:
 oder Astrologische Gattungen über die vier Natur - Kon-
 nen, welche bis... den 14. Jun. Sep 1667 hier jenseit im
 Stargard... setzen lassen. Alt - Hettin 1667. 68 P.
- ✓ 16. Gimmelfjüngel Franz Gattung des Herrn Jenseit Grönung
 aufgeführt von M. Daniel Gottfried Schwan.
 Stargard 1733. 8 + 96 P.
- ✓ 17. Gimmelf... Patri Grönung Inamantliche Donation a
 piar causas. Publicatum Stargard in Pura den 12.
 Martii Anno 1631. Gattung Japell... 1680. 24 P.
18. Jod. Andr. Giltabrandt, Merkwürdige der Gimmelf von
 Jod. Gattung.... Stargard 1724 Alten Hettin 1724.
 8 + 24 + 80 P.
19. Nic. Michaelis, Stamina Gryphorum, quo necessitas...
 Gryphorum anno liberationis suae 1631 exprimi-
 tur. Gryphorum. 18 P.
20. Alb. Georg Schwartz... Festschrift des Herrn von Wuppung
 der Herr Gryffwald. Gryffwald 1733. 100 P.
21. Alb. Georg Schwartz... Merkwürdige - Festschrift (zum 500 jäh.
 Lp. der Herr Gryffwald. Aubay... von dem Alten

und Vesperung der Fünften Mäße insgesamt, wie
auch der Sommerhoffen ist Ruzianiffen importiert
Landels. Greiffenwald (1733). 8 P.

22. Albert Georg Schwarzen... Einleitung zur Sommerhoff=
Ruzianiffen Vesperung = Historie. Fester Vesperung vom
Lohn = ist Ritter = Gült Lützowigs = Georg. Greiffenwald
1734. 8 + 28 P.

23. Laur. Matth. Laumann, de templo arcis Stolpensis
... anno 1702. 12 P.



MONUMENTUM
LITERARIUM

Quo
Viro Admodum Reverendo, Amplissimo
& Excellentissimo

DN. JOHANNI
MICRÆLIO,

SS. THEOL. AC PHILOS. DO-
CTORI AC PROFESSORI, NEC NON
GYMNASII REGII RECTORI LONGE
MERITISSIMO DESIDERATIS-
SIMO,

Cum III. d. Decembr. Anno æræ Christianæ M DC LVIII.
ætatis 62. pie ac placide defunctus,

XIV. d. ejusd. mensis in Æde Mariana tumulo
inferendus esset,

luctuosum officium præstitit

Et Studiosam in Gymnasio Regio Steti-
nensi Juventutem

ad condebitos exequiarum honores evocavit

HENRICUS SCHÆVIUS, D.
Gr. L. ac Poët. Prof.

STETINI,

Typis GEORGII GOETSCHII, Reg. Pædag. Typogr.



Vo vultu aut calamo tam cognati
funeris haud ficta haud redempta pra-
fica vos appellabo, Juvenes dilecti? quo
ore tam propinquas exequias vobis in-
sinuabo?

*gemit inter bella peremtum.
Parthus equū, fidosq; canes flevere Molossi.*

Et volucres habuere rogam, cervusq; Maronis.

Quid si paterno funeri iusta iustissimis non fieret lacrymis?
Patrem lugemus, & quod ultra est: sique non patriae patrem,
certe eorum, qui Patrum loco patriae & sunt vel fuerunt vel
futuri sunt. Nasci est parentibus communis cum proletrariis
quibusvis hominibus sors est, ne dicam cum beluis à quibus
vel ferociae vel ignaviae exempla mutuari consuevimus: re-
nascimur à Praeceptoribus, absolvimusq; hominem. Mi-
serrimi scilicet mortalium hi sunt, qui non aliud habent ar-
gumentum humanitatis, quam ridere, loqui, ratiocinari
posse. Sicut foetus qui intra matricem computrescit: sic-
ut rosa quae extra calycem speciosam foliorum pubem non
extulit, nulla gratia spectantes retinet: ita homo sibi relictus
nullaq; eleganti disciplina aut animi cultu imbutus tantum
non hominis titulum disperdit, brutisq; quam proxime ac-
censetur. Adeo solius probi Praeceptoris est generare ho-
mines, vel detracto eo quod minus in homine humanum
est, hominem homini restituere. Jam vero si quis un-
quam in hac recudendarum mentium Aetna feliciter desu-
davit: si quis unquam Prometheus lutum hoc, ex quo me-
liora corda finguntur, artificii manu tractavit & in seqvaces
formas disposuit: fuit ille Vir Admodum Reverendus, Cla-
rissimus & Excellentissimus Dn. Johannes Micrahus, SS.
Theologiae ac Philosophiae Doctor & utriusq; Professor, ac
Gymnasii Regii Rector longe meritisissimus, vir unde-
cunq;

eunq; incomparabilis, & fatali plane malo sedibus nostris
 subductus. Sane in eo omnigenarum virtutum non mo-
 dii aut trimodii, sed jugera ac horrea tanta, unde infiniti
 alii, si Virtus partes admittit, opulentiam sibi arrogent. In
 quo ne Livor, si Lynceus esset, inveniret quod sugillaret;
 Calumniæ etiam si omnes dentes exerat, habeat quod arro-
 dat. In quo Pietas cum Humanitate, Religio cum Facun-
 dia, Fides cum Eruditione, Integritas cum Beneficentia
 tam pacato contubernio coierunt, ut quotqvot unqvam
 humani, religiosi, facundi, fideles, eruditi, integri ac bene-
 fici (humanitus loqvor) inventi fuere, velut in Apellea ta-
 bula, quæ simul omnes Graciæ Veneres complectebatur,
 uno obtutu in eo lustrare proclive fuerit. Ut paucis dicam,
 Vir erat mea & fortasse omni laude sublimior, de quo per
 historiam & *ἀνέμω τῆς ζωῆς*, quo ductu vitam traduxerit, delini-
 are quædam malo, quam inficetus encomiastes deficere.
 Intromissus fuit in mortalitatem Cöslini Pomeraniæ Anno
 à nato Redemptore M. D. xcvii. Calendis Septembrib; hora
 sexta matutina. Patrè viro Reverendò ac Clarissimo Dn.
 Joachimo Micralio ibidem Archidiacono, Viro à singulari
 Pietate & vitæ integritate toti civitati acceptissimo; Matre
 Margaretha Krügers, filia Dn. Laurentii Krügeri Pastoris Ja-
 mundensis, qui raro vivacitatis exemplo annum undecen-
 tesimum assecutus, octoginta è posteris vivus salutavit,
 ipseq; ad familiam Glindorum & Halliorum, quorum apud
 nos haud incélebris viget memoria, genus suum retulit.
 Simul infantix primisq; scholarum stipendiis exsolutus
 animum ad ea quæ elimatiorem præstant hominem appu-
 lisset, auspiciis Dn. Jacobi Volsii scholæ patriæ Rectoris
 viri oppido quam literati militavit, ostenditq; quanti in-
 ter sit ad robur omnium studiorum, ubi cata Præceptorum
 industria cum exquisitis ingeniis committitur. Jam tum

ut facile inter condiscipulos erat primus, ita non fefellit
spem fore inter senes nulli secundum. Ad Musicum, Græcæ
lingvæ & Poëseos studium peculiari naturæ concitatione
ferebatur eosq; fructuoso exemplo redarguebat qvi malunt
esse *ἀυστοι*, Barbari & *ἀνεργοι*. Inter illas prævelitationes per-
misit ei Dn. Parens cum Dn. Georgio Meserschied Con-
cionatore aulico Ducis Francisci Dresdam digredi & fune-
brem Sereniss. Electoris Christiani II. pompam spectare:
qua occasione technothecam Dresdensem infinita artificio-
sissimarum machinarum varietate refertissimam attento
oculo iustravit & non pauca in chartulas suas consigna-
vit. Sub regressum Francofurtum vidit, & inde in patriam
reversus, triennio integro ibi adhuc substitit. Decimo-se-
ptimo ætatis anno, jam probe absterfa trivialium operarum,
qvæ plurimis aliis remora solent esse, rubigine, Padagogio
nostro civem dedit, & commissus fuit privata curæ Clariss.
Viri Dn. Joachimi Prætorii Archidiaconi & Profesforis Ma-
riani, cujus favorem ingeniosa solertia demeruit, & ex ejus
bibliotheca excerptis non quod pueri è faba. Publice ute-
batur opera celeberrimorum virorum M. Hunichii, M.
Kilmanni, M. Kohlii. A Dn. D. Cramero Theologiæ fun-
damenta ita feliciter imbibebat, ut mox sub Præsidio præ-
dicti Dn. M. Prætorii publice defungeretur disputatione de
DEO *Uno & Trino*. Videtis quantis ab auspiciis cœperit e-
mergere: & succrescebat tam lata eruditionis seges, ut cum
viris dehinc magni nominis & famæ M. Andrea Virgi-
nio & M. Johanne Jacobo Cramero, tunc condiscipu-
lis, privatim se exerceret, aliorumq; interim profecti-
bus emolumentum non leve adspiraret. Triennium hic
commoratus. Regiomontanam Academiam meditaba-
tur. Commodum inveniebat ducem Dn. Philippum
Frenckingium Secretarium Sereniss. Elect. Brandenburgici.

Danti-

Dantisco igitur illuc concedens, dicto Frenckingio in transferendis è Germanico actibus judicialibus, qui in tribunali Polonico non nisi Latine recipiuntur, elegantem operam navavit. Ibidem cum Dn. Christiano Langio, qui nuper inter præcipuos civitatis hujus viros Camerarius ac Comes Palatinus enituit, intimæ familiaritatis glutino coaluit, ut in altero Damonem in altero Pythiam recens experiri liceret. Solertiam illi Academiæ probavit inter varia alia specimina, etiam tunc, cum per integrum diem sub M. Christophoro Eilardo de Veritate Transcendentali Metaphysica solenniter disputaret, & sermones sacros publice habendo Collegiisq; variis se addicendo vires tum periclitaretur, tum adsereret. Jamq; commodus videbatur cujus fidei committerentur alii. Duobus nobilibus Kreutzii præficiendus erat, nisi geminata parentum funera consilium interpellassent. Intra eandem hebdomada mater ex animi mœrore contabescens & maritum secuta filio luctuosi itineris necessitatem imposuit. Ille navi Gryphiswaldiam molitus, & à tempestate ac inusitato maris æstu interceptus, vix uno digito à morte remotus erat. Evadebat tamen per Dei gratiam magnis adhuc usibus reservandus. Nec dudum ibi commorabatur, cum à Dn. Luca Puschen Senatore & Mercatore ejus civitatis primario ad Ephoriam filii sui Johannis, Patritii & Hereditarii in Horst, vocaretur, cujus studia & iter direxit, Hamburgum, Rostochiū, Wismariam, Lubecam cum eo lustrans. Inde Sferinū & Cöslinū, ut rationibus suis familiaribus prospectum iret, mox & Gryphiswaldiā repetens famigeratissimorū Theologorū Krakevitiū, Batti & Maschovii Collegiis sedulus interfuit, & disputationibus de gravissimis quibusvis materiis elaboratis, tantum omnium applausum elicuit, ut anno Chr. 1621. laurea Magistralis ipsi offerretur & conferretur.

quem actum Disputatione de Meteoris præsidendo defen-
sa feliciter coronavit. Ex eo varie ad varias functiones
scholasticas, quibus tamen certis de causis hætenus se sub-
duxit, designatus est. Anno 1622 Nobilissimi Dn. Henningii
ab Osten filiis, Dn. Henrico jam Consiliario Provinciali
eminentissimo, ejusq; fratri Dn. Henningio præpositus
est, cum quibus Lipsiæ in convictu Dn. Johannis Ruperti
Sultzbergeri Med. Doct. celeberrimi aliquandiu substitit,
& elegantissima eorum ingenia justis studiis exasciavit:
quoad Dn. Parentis arbitratu illinc Witebergâ, Güterbo-
ko & Berolino domum salvi sunt reducti. Postero ab-
hinc anno Lipsiam repetens incredibili ardore Theolo-
giæ ac Philosophiæ studia urfit, Collegia non unius gene-
ris aperuit: & inde vicinas urbes & Academias Erfurdiam,
Vinariam ac Jenam sectatus, in Theologorum ac Clari-
simorum virorum familiaritatem haud ægre intromissus
est. Deserta interim erat professio. Eloquentiæ in hoc
Gymnasio, ad quam legitime vocabatur summaq; eam
cum laude per triennium administrabat: Anno 1627. in
Schola Senatoria ad Rectoratum in locum Cl. Viri M. Lo-
læi surrogatus saxum illud Sisyphæum tanta dexteritate,
tanta tolerantia & alacritate volvit, ut tunc demum pueri
revera ludum frequentasse; ipse inter amplissimam de tot
ingeniis messem aliud agere visus fuerit. Sed & per il-
lud tempus se sibi aliquando impendere & familiam ac-
curare e re sua fore censuit. Assumpta in partem thori
lectissima virgine Sophrosyne Dn. Joachimi Prætorii su-
perius memorati filiâ, intra annum eam habuit puerpe-
ram, sed mox cum infante extulit. Huic suffecit anno ab-
inde tertio qui erat à nato Christo 1630. honestissimam ac
bellissimam Virginem Sophiam, Dn. M. Davidis Reutzii,
Superintendentis Pomeraniæ Orientalis egregie meriti
natam,


natam, quæ ipsum novem liberorum parentem præstitit.
 At præter per duos superstites omnes mortalitatis censum
 perfolverunt. Filiam Gabriel Millies patritius Stetinenſis
 in thalamo habet: filius Joachimus nuper ex Academiis
 revocatus Theologiæ studio vacat & ingenioſæ ſuæ ſolertiæ
 gnaviter litat, amplamq; ſpem paternarum virtutum ſu-
 ſtinet. Nec deſeruerat indolem major fratrum David,
 Secretarius & Optio Baronis Ukſelii, qui ante biennium à
 Moſcovitis ad Rigam captus in caſtris diem obiit. Horum
 mater cum nonum partui incumberet, foetu repigrato, ma-
 ritum pariter deſtituit. Interim vero dum Scholaſticum
 hunc pulverem verreret & cum domeſtico luſtu (dena-
 enim ordine funera extulit) colluctaretur, alibi varie ad-
 petitus & vocationibus invitatus eſt. Etenim anno Chri-
 ſti 1628. ad Præpoſituram Sagendensem Anno 1634. ad Dor-
 patensem & Anno 1642. ad Gryphiswaldensem profes-
 ſionem provehi poterat. Sed & eodem Anno 13. d. Aprilis
 Sereniſſimæ Reginæ Sveciæ Chriſtiinæ juſſu Cathedram
 aperiente Illuſtriſſimo Comite ac Legato Johanne Oxen-
 ſtierna in Regio Pädagogio Rectoratum capesſivit. Mox
 tertias nuptias cum eleganti virgine Catharina Hecken,
 Viri Pl. Rev. ac Clariſſ. Dn. M. Michaelis Hecken Superin-
 tendentis Primislaviensis filia celebravit, & tria liberorum
 paria, quæ per Dei gratiam adhuc ſuperſunt, ex ea ſuſce-
 pit. Sub ipſum ſtatim novæ functionis ingreſſum oſten-
 dit quanta apud ſummos terrarum dynaſtas valeret gratia.
 Ad ipſius enim instantiam Juris, Medicinæ & Mathema-
 tum Profefſores Gymnaſio primi donati, Communiſ men-
 ſa, quantum bonarum mentium, quarum ſoror eſt pau-
 pertas, refugium! reſtituta. Anno 1649. liberalibus ſum-
 tibus Regiis in Gryphica Doctores in Theologia hono-
 res induit, ex quo Profefſionem Theologicā Orthodoxorū
 omnium


omnium ingenti cum applausu Philosophicæ conjunxit. Quadriennio inde cum Dn. Præside Lillienstromio Sveciam adiit, ubi à Regina ad colloquium admissus & gratiosissima munificentia in patriam remissus est. Tertio abinde anno ubi tres Theologiæ ac duo Juris Doctores in Academia Gryphiswaldensi ab Illustr. Dn. Legato Oxenstierna proclamandi essent, Dn. D. Micrælius Pro Cancellariatus interim munere cohonestatus ejus vices subiit & admirandis facundiæ & eruditionis stricturis Actum augustiorem reddidit. Quis vero in exiguis hisce pagellis omnem Viri industriam, merita ac honores sistet? Fortasse alius laxior huic rei aperietur campus. Cum variis affectibus Nephriticis, ante triennium circiter colluctari cœpit. Et mensis jam abiit, ubi idem morbus cum contumaci Ischuria & totali urinæ suppressione repedaret, demumq; sibi in vitam & partes vitales capitale jus vendicaret. Hoc interno tortore exstinctus est, qvatenus extingvi poterat. Nobis præter ingens cordolium varia ingeniosissima ejus ingenii monumenta cedro dignissima, qvæ qvot & qvalia sint, peculiaris elenchus seorsim explicabit, supersunt: superest memoria, qvæ tunc demum, qvando universi hujus machina collabatur, interitura est. At vos, Juvenes dilecti, ubi jam amisistis tantum Præceptorem, amplius eum æstimabitis, & in rarissimas ejus virtutes magis anxii inquiretis. Loquentur eas omnes boni, ipsa etiam pulpita:

Ipsi illum fontes ipsa hæc arbuscula vocabunt.

Vos ei, decentem exequiarum honorem conferetis, qvæ tanta in vos dona impendit, à cujus celebritate olim commendationis argumentum petetis, magni qvondam Micrælii auditores vos fuisse. Valete.

H. Schævius, D.





Biblioteka Jagiellońska



sidr0011125

